

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“ broj: 7/10), na prijedlog Ministarstva zdravstva, Vlada Zeničko-dobojskog kantona, na 10. sjednici održanoj dana 21.06.2019. godine d o n o s i

ZAKLJUČAK

o davanju saglasnosti na Protokol o vođenju pregovora radi pregovaranja i zaključivanja Kolektivnog ugovora o pravima i obavezama poslodavaca i radnika u djelatnosti doktora medicine i stomatologije na teritoriji Zeničko-dobojskog kantona

I.

Daje se saglasnost na Protokol o vođenju pregovora radi pregovaranja i zaključivanja Kolektivnog ugovora o pravima i obavezama poslodavaca i radnika u djelatnosti doktora medicine i stomatologije na teritoriji Zeničko-dobojskog kantona.

II.

Ovlašćuju se:

1. dr Adnan Jupiće, ministar Ministarstva zdravstva Zeničko-dobojskog kantona, dr Senad Huseinagić, direktor Instituta za zdravlje i sigurnost hrane Zeničko-dobojskog kantona i Haris Hrgić, sekretar Vlade Zeničko-dobojskog kantona, po ovlaštenju, da kao ovlašteni pregovarači u ime Vlade Zeničko-dobojskog kantona, sudjeluju u pregovorima i potpisivanju dnevnih zapisnika o pregovorima, radi pregovaranja i zaključivanja Kolektivnog ugovora o pravima i obavezama poslodavaca i radnika u djelatnosti doktora medicine i stomatologije na teritoriji Zeničko-dobojskog kantona.
2. Alexandra Žerić, dipl. pravnik, zaposlenica Zavoda zdravstvenog osiguranja Zeničko-dobojskog kantona, da prisustvuje sastanicima o pregovorima iz prethodnog stava, radi pružanja stručne pomoći ministru Ministarstva zdravstva Zeničko-dobojskog kantona.
3. Ovlašćuje se dr Adnan Jupiće ministar Ministarstva zdravstva Zeničko-dobojskog kantona da angažuje i druge stručne kadrove, radi stručnih konsultacija.

III.

Zaključak stupa na snagu danom donošenja.

PREMIJER
po ovlaštenju

Mirnes Bašić

Broj: 02-_____/19

Datum, 21.06.2019. godine

Z e n i c a

DOSTAVLJENO:

- 1x Ministarstvo zdravstva,
- 1x Ovlaštenim (putem Ministarstva zdravstva),
- 1x Stručna služba Vlade Zeničko-dobojskog kantona,
- 1x Ministarstvo za pravosuđe i upravu,
- 1x a/a.

PRIJEDLOG

U skladu sa članom 139. Zakona o radu („Sl. novine FBiH“, broj: 26/16 i 89/18) i članom 22. Općeg kolektivnog ugovora za teritoriju Federacije Bosne i Hercegovine („Sl. novine FBiH“, broj: 26/16 i 89/18) predstavnici ugovornih strana i to:

1. Vlada Zeničko-dobojskog kantona, zastupana po ministru Ministarstva zdravstva dr. Adnaan Jupića, s jedne strane i
2. Samostalni strukovni sindikat doktora medicine i stomatologije Zeničko-dobojskog kantona, zastupan po predsjedniku dr Elvisu Cikotiću, s druge strane,

u Zenici, dana _____. godine zaključuju

P R O T O K O L

o vođenju pregovora radi pregovaranja i zaključivanja Kolektivnog ugovora o pravima i obavezama poslodavaca i radnika u djelatnosti doktora medicine i stomatologije na teritoriji Zeničko-dobojskog kantona

Član 1.

Ovim Protokolom ugovorne strane definišu postupak i rokove za pregovore, radi pregovaranja i zaključivanja Kolektivnog ugovora o pravima i obavezama poslodavaca i radnika u djelatnosti doktora medicine i stomatologije na teritoriji Zeničko-dobojskog kantona (u daljem tekstu: Kolektivni ugovor).

Član 2.

- (1) Pregovori radi pregovaranja i zaključivanja Kolektivnog ugovora, vode se prema prijedlozima obje ugovorne strane.
- (2) Pregovori iz stava (1) ovog člana, otpočinju od dana potpisivanja ovog Protokola.
- (3) Ugovorne strane su saglasne da je okvirni rok za vođenje pregovora u vezi pregovaranja i zaključenja Kolektivnog ugovora 45 dana, u skladu sa članom 139. stav 3. Zakona o radu.
- (4) Rok za pregovaranje iz stava (3) ovog člana, može se prolongirati, ako se o tome pismeno usaglasе obje ugovorne strane.
- (5) Ugovorne strane su saglasne da, ukoliko se u roku iz stava (3) ovog člana, odnosno u prolongiranom roku iz stava (4) ovog člana ne postigne saglasnost za zaključivanje kolektivnog ugovora, odluku o nastavku pregovora donijet će nadležni organi Samostalnog strukovnog sindikata doktora medicine i stomatologije Zeničko-dobojskog kantona, s jedne strane i Vlade Zeničko-dobojskog kantona, s druge strane.

Član 3.

- (1) Ugovorene strane su dužne u dobroj vjeri pregovarati u predmetu pregovora i učiniti razumne napore da pregovori budu uspješno okončani u planiranom roku, te se suzdržati od radnji koje bi za cilj imale neopravdano odugovlačenje pregovaračkog postupka.

- (2) Mjesto i vrijeme održavanja pregovaračkog sastanka ugovorene strane će dogovoriti sporazumno na kraju svakog sastanka.

Član 4.

Ugovorne strane mogu angažovati stručnjake ili druge zainteresirane osobe u svojstvu savjetnika koje prisustvuju sjednicama ugovornih strana bez prava odlučivanja.

Član 5.

Protpisivanjem ovog Protokola ugovorne strane izjavljuju da njihovi predstavnici koji će voditi pregovore iz člana 2. ovog Protokola, imaju ovlaštenje o vođenju pregovora.

Član 6.

Ugovorne strane su obavezne voditi zapisnik o toku pregovora koji obostrano potpisuju.

Član 7.

- (1) Ugovorne strane se obavezuju da čuvaju kao službenu tajnu sve podatke, informacije, kao i dogovorene prijedloge tokom vođenja pregovora saglasno ovom Protokolu.
- (2) Ugovorne strane se obavezuju da tokom vođenja pregovora saglasno ovom Protokolu neće istupati u javnost u sredstvima javnog informisanja.
- (3) Obaveza čuvanja službene tajne, kao i obaveza neistupanja u javnost u sredstvima javnog informisanja iz stava (1) i (2) ovog člana odnosi se i na osobe iz člana 4. ovog Protokola.

Član 8.

- (1) Ovaj Protokol se smatra zaključenim kada ga u istovjetnom tekstu potpišu obje ugovorene strane.
- (2) Ovaj Protokol je sačinjen u 4 (četiri) istovjetna primjerka, od kojih po 2 (dva) primjerka zadržavaju ugovorne strane.

Vlada Zeničko-dobojskog kantona
zastupana po ministru zdravstva

dr Adnan Jupić

Samostalni strukovni sindikat
doktora medicine i stomatologije
Zeničko-dobojskog kantona

dr Elvis Cikotić

Broj: 11-34-_____/19
Dana: __. __. 2019. godine